



Broj: 07-3-137-1/19
Sarajevo, 15.02.2019. godine

Bosna i Hercegovina
Federacija Bosne i Hercegovine
KANTON SARAJEVO

Ministarstvo prostornog uređenja, građenja i zaštite okoliša Kantona Sarajevo

Ulica: Reisa Dž. Čauševića broj 1
71 000 Sarajevo

n/r sekretara Ministarstva

PREDMET: Odgovor na zastupničko pitanje – dostavlja se

Dana 12.02.2019. godine Kantonalna javna ustanova za zaštićena prirodna područja je zaprimila dopis-Izjašnjenje /vezaVaš broj i datum: 05/16-05-666-58/19 RA od 08.02.2019. Dopisom se traži da ova javna ustanova odgovori na zastupničko pitanje upućeno od skupštinskog zastupnika gosp. Zvonka Marića, vezano za dostavu podataka o svim primanjima direktora a koje je imenovani postavio na Trećoj redovnoj sjednici Skupštine Kantona Sarajevo koja je održana 23.01.2019. godine u okviru tačke Dnevnog reda "Poslanička/zastupnička pitanja inicijative i odgovori". U zastupničkom pitanju imenovani traži da mu se dostave podaci o ukupnim primanjima svih direktora javnih preduzeća, kantonalnih javnih ustanova, kantonalnih fondova, kantonalnih uprava i svih drugih javnih organa čiji je osnivač Kanton Sarajevo. Zastupničkim pitanjem se traži iznos neto plaće, regresa, toplog obroka, naknada za članstvo u odborima, komisijama i sličnim tijelima koje se finansiraju od javnih sredstava.

U kontekstu gore navedenog, dostavljamo slijedeći:

O d g v o r

Direktoru Kantonalne javne ustanove za zaštićena prirodna područja se određuje plaća prema metodologiji koja je propisana odredbama čl. 12. i 13. Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, br. 41/16, 46/16, 5/17 i 53/18).

Visina plaće za direktora određuje tako da se prosječni koeficijent, utvrđen na način propisan u stavu (1) člana 13. Uredbe množi s iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku Federalnog zavoda za statistiku. Prosječni koeficijent određuje se tako da se koeficijenti utvrđeni u članu 12. Uredbe sabiraju (2,80), te se dobiveni broj dijeli s brojem tri.


S tim u vezi, Upravni odbor Kantonalne javne ustanove za zaštićena prirodna područja je donio Odluku o načinu utvrđivanja osnovne mjesečne plaće direktora, postupajući po čl. 12. i 13. gore navedene Uredbe Vlade Kantona Sarajevo, dok se Ugovorom o radu direktora definišu zakonom propisane naknade.

Važećim Pravilnikom o radu direktoru pripada i direktor ostvaruje pravo na naknadu troškova ishrane tijekom rada (topli obrok) u visini od 1% prosječne neto plaće isplaćene u Federaciji Bosne i Hercegovine prema posljednjem statističkom podatku kao i ostalim budžetskim korisnicima Kantona Sarajevo.

Što se tiče naknade za vrijeme korištenja godišnjeg odmora (regres) direktor ostvaruje naknadu u visini od 50 % prosječne plaće isplaćene u Federaciji Bosne i Hercegovine prema posljednjem statističkom podatku kao i ostalim budžetskim korisnicima Kantona Sarajevo.

Kada su u pitanju naknade za članstvo u odborima, komisijama i drugim sličnim tijelima finansiranih od javnih sredstava direktor nema aktivno članstvo u istim.

S poštovanjem,



DIREKTOR

mr. sci. Osman Delić

Dostaviti:

1. Naslovu
2. Ministarstvu prosotornog uređenja, građenja i zaštite okoliša Kantona Sarajevo-Sektoru zaštite okoliša – na znanje
3. Arhivi Javne ustanove